

古今文綜

野居書贈

古今文綜 第三部 碑文墓銘之屬

第三十三冊

目錄

第二編 墓銘類

第五章 墓銘之作法上

(甲) 文章之屬

(一) 考論

清汪琬孝貞女墓誌銘

清莊存與石門蔡貞女祔葬夫墓碣銘

清惲敬萬孺人祔葬墓志銘

清惲敬林太孺人墓志銘

清李兆洛祝母湯孺人祔誌銘

(二) 翻案

宋王安石祕閣校理丁君墓誌銘

清董祐誠興平縣馬嵬堡唐貴妃楊氏墓碑

(三)感歎

北周庾信周大將軍懷德公吳明徹墓誌

宋歐陽修石曼卿墓表

宋歐陽修河南府司錄張君墓表

宋歐陽修太常博士尹君墓誌銘

宋王安石泰州海陵縣主簿許君墓誌銘

宋王安石兵部員外郎馬君墓誌銘

宋王安石尙書屯田員外郎仲君墓誌銘

宋王安石陳比部墓誌銘

清汪琬鄉飲賓席翁墓誌銘

清胡天游侍講學士鄒公墓志銘

清汪中大清故國子監生顧君墓誌銘

清魯一同孫節母墓誌銘

清魯一同代譚君撰文學陳君墓誌銘

清曾國藩國子監學正漢陽劉君墓誌銘

清曾國藩羅君伯宜墓志銘

清張裕釗誥授中憲大夫卽選道江蘇候補知府黃君墓誌銘

清張裕釗吳母孫夫人墓誌銘

清李慈銘王母鮑太夫人墓誌銘

(四) 微辭

唐韓愈試大理評事王君墓誌銘

宋王安石大理丞楊君墓誌銘

清方苞李剛主墓誌銘

清全祖望柴丈漁山墓表銘

清全祖望厲樊榭墓誌銘

清姚鼐翰林院庶吉士侍君權厝銘

清李兆洛蒙山路君墓誌銘

清吳汝綸張薊雲墓碣銘

(五) 借事發揮

唐韓愈柳子厚墓誌銘

唐韓愈故太學博士李君墓誌

宋王安石建安章君墓誌銘

清梅曾亮王惠川墓誌銘

清梅曾亮項府君墓誌銘

清梅曾亮朝議大夫臺灣府知府蓋君墓誌銘

清梅曾亮贈奉直大夫甘府君墓誌銘

清惲敬孫九成墓誌銘

清惲敬饒陶南墓誌銘

清魯一同文學孫君墓誌銘

清張裕釗吳徵君墓誌銘

清張裕釗唐端甫墓誌銘

清吳汝綸江安傅君墓表

(六) 述他人言

宋歐陽修南陽縣君謝氏墓誌銘

宋王安石左班殿直楊君墓誌銘

宋王安石胡君墓誌銘



清梅曾亮朱孺人墓誌銘

清張裕釗吳母馬太淑人祔葬誌

(七) 附述小事

宋王安石給事中孔公墓誌銘

宋王安石右領軍衛將軍致仕王君墓誌銘

(八) 偏重大事

唐韓愈唐故江西觀察使韋公墓誌銘

宋王安石廣西轉運使蘇君墓誌銘

宋王安石朝奉郎守國子博士知常州李公墓誌銘

清姚鼐博山知縣武君墓表

清趙國華代閻丹初丁文誠公墓誌銘

古今文綜

第三部 碑文墓銘之屬

第二十三冊

杭縣張 相讓錄

杭縣姚漢章閱訂

第二編 墓銘類

第五章 墓銘之作法上

碑版文字焯爲專家。神明變化。要有義例。其間蠶蛻之迹。因革之端。涂轍雖紛。知言者可望而決也。茲錄作法之大別。一屬文章。一屬格式。分兩章著於篇。

(甲)文章之屬

彥和之論碑也。曰清詞轉而不窮。巧義出而卓立。蓋墓銘之

文。通乎史傳。敘事則書法。寓意則論贊。依類以求。貌離神合。就其著者。約得八目。

(一)考論

昌黎並世。推重柳州。要其歸宿。則議論證據。今古出入。經史百子。

兩語而已。亮哉。事不師古。非所聞也。錄汪堯峯孝貞女墓誌銘以下。凡五首。



清汪琬孝貞女墓誌銘

宋子旣庭與計子甫草皆以文行知名海內。兩人交相重。復交相好也。甫草有子曰孺子準。字念祖。少而娟娟美秀。數從甫草往來旣庭之家。旣庭愛之。許以其女配焉。卽孝貞女是也。孺子年十五。補吳江附學生。高才好學。聲譽方大起。纔及期而殤於痘。赴至。女竊慟哭。且自誓曰。吾死生計氏婦也。卽日屏櫛沐。布衣蔬食。願以此終其身。旣庭奇女之志。將以歸計氏。而甫草慮其少也。猶與未決。久之有求婚於旣庭者。女微聞之。遂不食數日死。甫草始大悔恨。流涕太息曰。此眞吾子婦也。吾負若多矣。引舟載其棺以歸。某年月日。與孺子合葬某鄉之原。成女志也。有難甫草者曰。周禮禁遷葬嫁殤。彼宋氏之女也。胡爲乎同穴於此。予爲甫草解之曰。禮所禁者。謂夫生而未聘。與未許嫁者也。今男氏已聘矣。女氏又已諾矣。何不。可合之。有難者曰。女未廟。見不祔於姑。歸葬女氏之黨。如之何其可合也。予曰。不然。禮有常焉。有變焉。取女有吉日而壻死。斬衰以弔。旣葬除之者。常也。守貞不字。

變也。若旣庭之女之爲孺子也。始則膏澤不御。觴酒豆肉不嘗。及其繼也。絕粒捐軀而勿之恤。變之變者也。夫旣儼然計氏之婦矣。安得以未成婦之禮格之。予又曰。春秋書宋災。宋伯姬卒。左氏云。女而不婦。穀梁氏云。伯姬之婦道盡矣。二傳予奪相反。先儒取穀梁而非左氏。蓋彜倫之道。息女德不貞。有守死不回如伯姬者。而又加貶焉。何以示勸。是故婦道卽女道也。旣庭之女之死於不食也。不可謂之非女道。猶伯姬之死於火也。不可謂之非婦道也。如疑其舍生傷勇。則予請以伯姬之例例之。予雖不敏。其敢自外於先儒之說與。女性仁孝。幼受論語孝經。俱曉大義。蓋旣庭詩禮之教。著於家庭。而遂被其女如此。女死時年二十三。諸宗黨閔之。私諡孝貞。云銘曰。

昔贊典姐。今述之子。大書特書。敢附野史。其烈旣均。其氏復同。矢志所天。乃以身從。身歿名存。幽堂有刻。用警遺風。閨房之則。

清莊存與石門蔡貞女祔葬夫墓碣銘

嘗讀戴記曾子問。論夫婦未昏服。取女有吉日。而女死。壻齊衰而弔。夫死。則女亦齊衰而弔。皆旣葬除之。先儒執斯禮。以斷未昏夫亡而守志於夫之家者。輒謂之過。余向亦無以難之。及讀劉向烈女傳。述衛宣夫人之行。有曰。夫人者。齊侯之女也。嫁於衛。至城門。而衛君死。保母曰。可以還矣。女不聽。遂入。持三年之喪。乃知古有賢女。實先作之。而後世士女。猶行古之道也。顧執一之儒。不深考其義例。以未廟見而死。歸葬於女氏之黨。遂曰。死不可以卽墓。則生不可以居室。豈所謂不知其理。而推其類者耶。子夏傳喪服曰。夫至尊也。妻至親也。至尊無所不伸。至親則有時而屈。故三年之視期。輕重絕倫甚矣。以夫之死。同諸女之死也。於義鈞乎。聖人之制。爲中人以下設也。苟爲中人以下設。則昏禮雖殺。而女亦可以行。然文王之化。必以召南申女爲法。苟爲中人以下設。則火至而傳母不在。宵亦可以下堂。然春秋之教。必以宋共姬爲法。由是觀之。夫死以齊衰弔。旣葬除之者。中人以下之行也。非所以爲制也。若以爲賢而可法於天下。傳於後世。必若所述衛夫人者。

持三年喪。不可奪志。斯爲貞順之則矣。是故夫也者。至尊之誼。命則成之。婦也者。至親之屬。必成於尊。廟見者。成於尊也。未成之辭。聞繫之婦矣。不聞其繫之夫也。余故曰。不知其理。而推其類之說也。石門田兩元聘蔡氏女。未成昏。而兩元沒。蔡女痛夫之亡。不獲喪之。遂以死。某年某月某日。合葬於某鄉之某原。是則變之正也。爲之碣曰。蔡貞女者。石門蔡君裕光之女也。同邑田君朝恆有子曰兩元。與貞女同年同月生。因字之。兩元年十九。取女有吉日而死。訃至女家。貞女方飯。卽投箸。嘔所食。且盡除簪珥。易束髮帛。將奔其喪。父母婉辭止之。且曰。志由汝立。汝欲守義。父母不汝奪也。女嗚咽不能言。注目視良久。噴血數斗。遂病。竟死。方姑聞其病也。來就視。貞女執手牽衣。依依若孺慕。姑慰之曰。病卽痊。吾來迎汝。貞女曰。恐無痊日。奈何。姑稔其指。掩淚泣曰。如有不幸。必使與吾兒同穴。寧忍孤汝志耶。女應如響。父母爲延醫。詢日者。皆不使治。及兩元卜葬兆有日。貞女曰。舅姑前言許我。吾願畢矣。因絕粒數日以死。年二十有二。昔北海鄭公釋周官有遷葬嫁殤之

禁而余以爲是則變之正者何哉。遷葬非禮。以生時非夫婦也。嫁殤非禮。若魏志所譏。倉舒之與甄氏。女淑之與甄黃也。鄭君未詳言之也。今兩元與蔡氏女夫婦分定矣。且冠笄不爲殤。取有吉日而名之曰殤。可乎。蔡君不命其女奔喪。故貞女齋志以病。而至於死。藉令若衛夫人使得持三年喪。以守其志。女未必病。病亦未必死也。貞女以不持喪。慮不得合葬。待其姑許之。而後快然無所恨。此非深於禮者乎。惜其生而存。未有以古賢烈女成事告之者。故默無一言以語所生耳。若又不首其義。而遂祔其葬。見爲兒女子相徇之態。則天下之凡爲貞女者。恨有終窮乎。余故曰。禮必廟見而成。婦親者可以義割恩也。女有父命。則成之爲夫尊者。必以義全恩也。夫死則喪之三年。居其室而立後以祭焉。亦可也。敬以告諸當世之重人倫者。銘曰。

性其情。以禮榮潛幽房。若淑章甄古度。碣斯墓石有泐兮。文不蝕兮。

清惲敬萬孺人祔葬墓志銘

孺人姓萬氏。先世於宋政和中。由進賢遷南城之青綏柳塘。遂世爲南城人。曾祖維淙。祖國寧。康熙五十一年武進士。仕終福州左營游擊。父選。廣西潯州同知。母崔氏。孺人年十七。歸同縣建昌府學生鄧君漢。二十九。鄧君卒。孺人矢志撫諸孤。成立。嘉慶十六年九月丁丑卒。年八十。越明年八月乙丑。祔葬於洛硝石羊角山。鄧君之兆。子三人。樹槐。國子監生。樹齡。縣學生。樹梅。國子監生。女三。皆適名族。古者女史以成法書。后夫人之行。後世史家外戚傳列女傳。其遺意也。周秦以來。婦人有彝鼎之銘。有箴有歌。頌其卒也。有葬記。有題墓。有石闕。而志銘之用最廣。宋人入家事。頗有巧。縱不應程式者。唐人用漢碑法。以美言泛頌之。夫婦人教於父母。無違於夫。宜於家。貞於一。以順成於子孫。言之從同。同爾敬。故次孺人家世。生卒志之。石而不爲溢辭焉。樹齡之子熾昌。從敬遊。有才行。因并以告之。銘曰。是維五十一年。守節萬孺人。從夫之穴。四正四維。應之子孫。其有興焉者乎。

清惲敬林太孺人墓志銘



林太孺人諱桂福建閩縣人。祖及父母皆早世。無兄弟。幼依族姑之寡者。屢徙居。稍長。求其系姑老耄。不復省記。遂亡之年十五。爲前恭城縣知縣陸君廣霖側室。三十年而恭城君卽世。又三十年而太孺人卒。年七十五。嘉慶十有四年六月二十二日也。敬與太孺人之子繼輅交。繼輅次年譜請銘。按譜。恭城君以進士官福建廣西。屢起仆。太孺人所以事恭城君者甚敬。恭城君劾官處患難甚勤。長子女甚愛。理婚嫁喪葬甚肅。祭祀甚誠。教繼輅甚嚴。皆有事實可紀。繼輅泣曰。繼輅無似。無以顯揚太孺人。吾子之力。足以及百世者也。願備書之。無遺。敬謹對曰。此太孺人之常德也。書之譜足矣。若大節。則請爲太孺人大明之何也。太孺人歸恭城君。嫡正夫人莊宜人。已沒三年矣。太孺人六十年中。未嘗干嫡正之禮。至屬纊時。尙以勿斂正寢爲命。此始終於禮者也。古者人君不再娶。夫人卒。嫡升於嫡。其嫡死不更立者。祭宗廟則攝焉。夫先王之禮一而已矣。何以或升於嫡。或不升於嫡哉。蓋媵之未及事女君者。得爲夫人。如聘嫡未往而死。媵繼往是也。白虎通所謂。

立其娣尊大國也。媵之及事女君者，不得爲夫人。如元妃死，次妃稱繼室，是也。白虎通所謂明無二嫡防篡殺也。太孺人不及事女君矣。殆可升於嫡者歟。雖然，太孺人非娣姪也。敬蓋又質之於禮焉。古者大夫士皆媵娣姪，大夫爲貴，妾總此娣姪也。士妾有子，則爲之總，此不必姪娣而視娣姪也。太孺人有子，且賢，殆可升於嫡者歟。自春秋時以妾爲夫人，皆其君夫人之然，其端必由妾之自僭。始太孺人之志以爲強附於禮之變而求榮，不若退守乎禮之常而去辱於以成恭。城君之賢爲子若孫之令望，此閨門之禮所以正推之家國天下而皆順者也。太孺人生子繼裴，嗣恭城君之弟廣森。次卽繼輅，本省舉人。女三，長未嫁卒。次適儲，次適黃恭城君初娶高宜人，生子三，繼娶莊宜人，生女三，皆太孺人成立之。銘曰：

治於讓亂於僭，中闡樞蠹不可瑱。家如爛魚腹中陷，以禮已僭宜吉祥。恭城之後，今其昌。

清李兆洛祝母湯孺人耐誌銘

炳季以道光十年卒。吳江吳育山子爲之墓誌。以未得吉卜。葬淹其期逾五年。而配湯孺人卒。乃合葬於某原。會山子遊中州。星槎等奉狀屬予爲誌。墓不兩誌。古也。故最其狀附炳季誌。後狀曰。孺人湯氏。父廷枚。國子生。孺人二十二而歸於祝翁。儒林君居貧。有急逋。無以償。心憂之。孺人方來歸。微伺顏色得之。卽屏奩資。質以奉炳季。常出遊。家事一倚孺人。色養備至。翁固好飲。度不能得酒。卽詭言不欲。孺人攜罌置翁所。時益其酒。翁窺罌。酒常滿。輒樂飲。翁之歿。炳季暨伯氏子常皆遠遊。姒婦又劇病。含殮事孺人獨治之。無不如禮。家徒壁立。兒女滿前。一切衣食日用及婚嫁事。拮据治辦。炳季不問也。人羨炳季有嘉耦焉。卒以道光十五年十二月二十二日。年七十。丈夫子六。二殤。星槎娶黃氏。繼薛氏。雲槎娶程氏。斌後族叔保賢。九來縣學生。娶沙氏女。二長。適附貢生章燮。次適章政平。孫八人。銘曰。夫扶妻齊。內助急焉。無成有終。地道宜然。懿歟女士。宜儷君子。千秋同藏。無有圯毀。